



DET KONGELEGE
KLIMA- OG MILJØDEPARTEMENT

Statsråden

Stortingets President
Karl Johansgt 22
0026 OSLO

Dykkar ref

Vår ref

Dato

20/2039-

26. juni 2020

Svar på skriftleg spørsmål nr. 1972 frå stortingsrepresentant Steinar Karlstrøm om mogelegheita til å køyre løypemaskin på snødekt mark i Finnmark og Nord Troms etter 5. mai

Eg viser til brev 18. juni 2020 frå Stortingets president med spørsmål til klima- og miljøministeren frå stortingsrepresentanten Steinar Karlstrøm. Spørsmålet lyder:

"Hva vil statsråden gjøre for å rette opp den urimeligheten ved at det ikke er lov å kjøre løypemaskin på snødekt mark i Finnmark og Nord Troms etter 5. mai?"

Svar:


Etter forskrift for bruk av motorkøyretøy i utmark og på islagte vassdrag § 9 fyrste ledd er *all* bruk av motorkøyretøy i utmark forbode i Nord-Troms og Finnmark i perioden 5. mai til 30. juni. Årsaka til forbodet er særleg at denne perioden er særskilt kritisk for rein og for dyrelivet elles. Det er viktig at tamrein, fugl og vilt får ro i den mest sårbare tida på året.

Fylkesmannen kan etter same paragraf forlenge perioden med motorferdsle etter 5. mai i "*spesielle tilfeller*". Representanten har i grunngjevinga si vist til at Fylkesmannen har etablert praksis for å gjere nokre unntak for køyring med snøscooter og forlenging av opningstida for scooterløyper, men at for "*søknad om kjøring med løypemaskin i samme områder har ikke fylkesmannen mulighet til å gi unntak*".

Regelverket utelukkar ikkje at fylkesmannen kan gi dispensasjon til preparering av skiløyper, så lenge vilkåret om "*spesielle tilfeller*" er oppfylt. Fylkesmannen må vurdere kvar søknad om unntak konkret. Omsyn til dyrelivet og naturmangfaldet er sentralt. I enkelttilfelle kan det vere slik at forholda for dyrelivet og naturmangfaldet gjer det mogeleg med løypepreparering etter 5. mai. Samstundes minner eg om at hovudregelen er at det er forbod mot motorferdsle

etter 5. mai i fylket. Det er viktig at hovudregelen ikkje vert svekka gjennom omfattande dispensasjonar. Eg viser elles til mine svar 25. mai, og 2. juni 2020 på skriftleg spørsmål nr. 1595 og nr. 1687 frå stortingsrepresentantane Sandra Borch og Steinar Karlstrøm.

Med helsing

A handwritten signature in blue ink, reading "Sveinung Rotevatn". The signature is fluid and cursive, with a long horizontal stroke at the end.

Sveinung Rotevatn